

Töfrar Torfajökuls - hverir, laugar og líparítfjöll

7. - 9. ágúst 2010 **uppbókað!** 

Aukaferð 13.-15. ágúst.

Bókanir í síma 864 0412 (9-17) og 561 4012 (kl. 9-14) eða með tölvupósti til info@halendisferdir.is

Upplýsingar hjá www.halendisferdir.is

Jarðfræðiferð um eitt mesta háhitasvæði í heimi í fylgd með Sigmundi Einarssyni og Kristjáni Jónassyni í samvinnu við Landvernd.

Ferðalag um stórbrotið landslag hvera, lauga og líparítfjalla. Háhitasvæði sem er einstakt í heiminum og er mesta líparítségvæði landsins. Torfajökulsvæðið er eitt þekktasta útivistarsvæði landsins en svæðin sem við skoðum eru utan „Laugavegar“ og því furðu lítt þekkt. Við kynnumst landi sem er í hættu vegna virkjanaáætlana. Við skoðum; Austur - og Vestur - Reykjadali, Hrafninnusker, Háskerðing. Gist í skála í Dalakofa í Vestur-Reykjadölum í 2 nætur. Allur matur innifalinn.

1. dagur: Reykjavík–Rauðufossar-Vestur-Reykjadalir



Hópurinn hittist á BSÍ kl. 9.00 með nesti og góða skó. Ekið sem leið liggur austur yfir Hellsheiði, upp Landsveit og inn á Dómadalsleið. Gangan hefst við Rauðufossa, gengið upp Pokahryggi en þaðan er gott útsýni yfir háhitasvæðið við Hrafninnusker og Hrafninnuhraun þar sem Markarfljót á upptök sín. Gengið með Svartakambi niður í Vestur-Reykjadali en þar eru bullandi leirhverir. Möguleiki að skella sér í fjallabað í einum slíkum. Gist í skála Útivistar „Dalakofa“ næstu tvær nætur.

2. dagur: Hrafninnusker-Jónsvörða-Austur-Reykjadalir



Skammt handan við Markarfljót verður litið á gígana sem mynduðu Hrafninnuhraun árið 871. Gosið hófst með miklu sprengigosi sem þeytti upp ljósum vikri og ösku. Askan barst víða og er nú þekkt sem „landnámslagið“ í jarðvegi. Ekið verður eftir vegslóð í átt að íshellinum við Hrafninnusker. Gengið verður á Hrafninnusker til að fá gott yfirlit yfir hin litskrúðugu gil Ljósár. Þaðan verður haldið að Jónsvörðu og gufuhvernum Hvínanda sem er talinn aflmesti hver landsins um þessar mundir. Frá Jónsvörðu verður haldið í norðaustur eftir hverasvæðinu

3. dagur: Reykjafjöll-Reykjavík



Ekið á jeppum frá Dalakofa aftur upp á hraunið frá Hrafninnuskeri. Á leiðinni verður litið á sprengigíga í hverasvæðinu í hrauninu og farið um svæði með ósnortinni hrafninnu á yfirborði. Gengið verður á Reykjafjöll en þaðan er mikið og gott útsýni til austurs. Við blasir austasti hluti Torfajökulsöskjunnar með Torfajökli og upptakasvæðum Jökulgilskvíslar. Svæðið er mjög gilskorið og litskrúðugt. Mikið hverasvæði er þar sem heita Háu-hverir austan undir Reykjafjöllum og einnig í Kaldaklofi sem og við rætur Torfajökuls. Af Reykjafjöllum er einnig ágætt úrsýni til vestur yfir gil Ljósár. Undirstöður Hrafninnuskers sjást einnig ágætlega. Til baka verður gengið norðan við Söðul og horft til Stórahvers og skoðaðar brennisteinsþúfur á leið í bílana.

Leiðsögn: jarðfræðingarnir Sigmundur Einarsson/Kristján Jónasson

Fararstjórn: Ósk Vilhjálmsdóttir

Akstur: Viktor Melsted

Matseld: Kristín Pálsdóttir

Verð: 36.000.-

Innifalinn er fararstjórn, trúss, akstur, skálagisting, fullt fæði. Fjöldi í ferð er 14-24

Búnaður: gönguskór*, bakpoki (ca 40 L), svefnpoki, koddaver, vatnsflaska, hitabúsi, nestisbox.

Fatnaður: vatnsheldur hlífðarfatnaður, undirföt (úr ull, silki eða gerviefni), lopapeysa eða þykk flíspeysa, vettlingar, húfa, 2 pör ullarsokkar (eða gerviefni), sundföt.

* Gengið er um jarðhitasvæði og því mikilvægt að vera sérlega vel skóaður.